

مشاورت

مطبعه رحمن ادره :

حاله اوغنديده اديت
سندوغي - وارنده
شنگول بفوشنده
۲۲ نومبر

سلک. زه موافق آثار

جدیدہ مع الممنونہ

قبول اولنور

درج ایدنه آناراعاده اولنار

دین ، فلسفہ ، علوم ، حقوق ، ادبیات تاریخ ، سیاسیات و بالخاصہ احوال دشتیہ اسلام و دین و ملت ابروردہ ہفتہ بر نشر اولنور.

آبونه بدلی

صاحب و مؤسسی :

ابوالعلا زین العابدین - ح . اشرف ادیب

تاریخ تاسیسی

۱۰ نومبر ۱۳۲۶

درسمادندہ نسخہ می ۵۰ بارہ در

قبولہ دن مقوا بورو ایله کوندرا برسه سنوی

۲۰ غروش فضلہ آذر

سہ لکی	الٹی آلتی	غروش
۶۰	۳۰	۳۰
۶۰	۳۰	۳۰
۱۷	۹	۹

عدد : ۱۷۶

۲۸ محرم الشریفہ ۱۳۳۰ ہجری ۵ کانون نانی ۱۳۲۷

بدنجی جلد

اعداد قوت

و

عبادات مالیه

— مابعد —

صدقہ فطر : والغنی الذی ہو شرط لوجوب صدقہ الفطر ان یمالک نصاباً او مالاً قیمته قیمت نصاب فاضلاً عن مسکنه واثانہ وٹیاب بدنہ وفرسہ و سلاحہ . قاضیخان — ہندیہ جلد ۱ ص ۲۲۷

اضحیہ یعنی قربان : فالغنی فی الاضحیہ ما ہو الغنی فی صدقہ الفطر وقد ذکرنا . ترجمہ سی : قربانک شرائط وجوبی عینہ صدقہ فطرتک وجوبیدر . بز بونی ذکر ایتدک . تکرارینہ حاجت یوق .

قاضیخان — ہندیہ جلد ۳ ص ۳۴۴

ایستہ کورولیور ، کہ مالہ تعلق ایدن اوامر جلیلہ قرآنیہ مؤمنک — عائلہ سی افرادیلہ برابر — سعادت حیاتی نامنہ بر طاقم قیود و شرائطہ تابع . بوشرطلری تمامیلہ استجماع ایتہ مش اولان هیچ بر مؤمن اوامر مشارالہانک ایفاسیلہ مأمور و مکف اوناز . انسانک حیاتی — کندینہ — ہرشیدن عزیز و قیمتداردر . کندی احتیاجات حیاتیہ سی صیرتنہ یوکانمش ، بلنی بوکش ، ایکی قاتلی قابورہ چورمش دورورکن قدرت میسرہ وتعبیر دیکرلہ استطاعتلہ مقید و مشروط اولان اوامر دینیہ اکا نصل توجه ایدہ بیلیر ؟ نصل توجیہ اولونہ بیلیر ؟

ایستہ زکاة و حجک ، صدقہ فطر و قربانک شرائط وجوبی بالادہ حرفیاً مذکور .

بو شرائط — بری وجوبی دیکری اختیاری اولوق اوزرہ — ایکی قسمدر ، اسلحہ حربیہ و ربط خیلدن ماعداسی شرائط اختیاریدر . مثلاً : بر مؤمن ایچین نہو آلق : بو ، حواج اصلیه سندن اولوق اعتباریلہ عبادات مالیه نک وجوبی ایچین بر شرطدر . بونک مفروشات ولوازمی ده ایکنجی بر شرط . بونک جمع کثرت صینہ سی اوزرینہ جمعی اولان (ٹیاب) بدن اوچنجیسی . خدمتجی دردنجیسی .

بونلرک هپسی برعائلہ حیاتنه عائد احتیاجات اصلیه دندر ، فقط اسلحہ حربیہ معنای شمولیلہ برعائلہ نک دکل اوائلہ نک ، ایچنده آغوش حمایه سنده یا شامقدہ اولدینی هیئت اجتماعیه نک حیات ملیہ و سیاسیه سنہ ، استقلال و حاکمیتنه ، کہ حیات حقیقیہ سیدر — تعلق ایتدیکی ، وطن دنیلن خانہ ماینک ، کاشانہ شوکت و اجلالک سپر صاعقه سی : صاعقه استیلا و تخریبی اولدینی جہتلہ بو ، عبادات مالیه نک بوتون شرائط وجوبی فوقندہ ، امر وجوبی و فوری اولان نص جلیل اعداددن ، اعداد قوتدن آلمش اولقلہ ممتاز بر شرطدر . شرط وجوبیدر .

بوشرط ، مؤمنی یالکز مالی آلہرق اعداد قوتہ صرف ایتمکله اکثفا ایتز . کندینسی حتی — لدی الضرورہ — زوجہ سی بیاه تسلیح ایدرک وطن اوزرینہ سیل منحدرکی آقوب کلن اعدایہ قارشی کوندیرر . منصفانہ تأمل اولونسون ! تأمل اولونسون ، کہ اوامر جلیلہ قرآنیہ دن بحث ایدیورز . سقراطک منطقندن ، افلاطونک فلسفہ سندن دکل . اعداد قوت ، عبادات مالیه نک عمومی میانندہ دکل ؛ جناب حق (جل شانہ) (واعدوا لهم ما استطعتم من قوة)

بویوریور . کوریور ، کہ امر اعداد استطاعتلہ مقید . زکاة و حجہ صدقہ فطر و قربانده استطاعتلہ مقید . انسانک احتیاجات اصلیه سندن

فضاه، نقدندن و یا نقد مقامنده اولان مالندن عبارت اولان استطاعت تجزی ایده بیلمی ؟

بر مؤمن استطاعت مالیه سی اولان مثلاً : یوز لیراسنی تماماً اعداد قوه امر جلیله انقیاداً ویررسه آرتق آنده - زکاة وحج ، صدقه فطر و قربان ایچین - وصف استطاعت قالیری ؟

دینله بیلمی ، که : یوز لیرانک الیسی ویرسینده بقیه سیله حجه کیتسین! طوتهلم ، که معنای استطاعت متجزی اولسون فقط امر اعدادک وصف فوری و تعجیلیسی نه یاهلم؟ تعجیل ، امر اعدادی وصف ایدن بر قیددر . مقیدک تمامی قیدک تمامیه در. یوز لیرا تماماً ویریلرسه مأمور به در حال اعداد و احضار اولنه جق یاریسی ویریلدیکی تقدیرده تأخر اید، جک . دشمن ایسه کمال تهالکله حاضر لاقده ، اورتهده بولنقده اولان سیف فرصتی قایمغه تعجیلک بوتون معنای شمولیه چالشمقده .

« قال اطعمنی فانی جائع »

« واعتجل فالوقت سیف قاطع »

ذاتاً امر جلیل اعدادک فوری و تعجیلی اولسی بو حکمته مینی دکل ؟ نه دن امام محمد امر حجه « و یجوز تأخیره » دیور . چونکه قابلیت وار . حال بوکه امر اعدادک تأخیره قابلیت یوق . دشمن ، وطنی استیلا ایتدیکندن ، ملت زنجیر محکومیه کردن داده ذلت تسلیمیت اولدقدن صوکر ا قضا امکانی قالیری ؟

شمدی اعداد قوت امر جلیلک ایفاسیله مشغول ایکن امام ایتمدن آتی یراقوب ، دیگر بر امرک ایفاسنه قالدیشمق جائزیدر ؟ بو، عینیه صلاة ظهره باشلامش بر مصلینک مثلاً : ایکنچی رکعتده آتی یراقوب وقتنه هنوز اوج درت ساعت بر زمان ایستهین ایکندی نمازینه دور مسله بکزه صرمی ؟

تکرار ایدیورم : اعداد قوت نص جلیل قرآنیسی بر امر وجوبی وفوری ایسه بونک تمامی مطلوب الهیدر . یوق .. بو، وجوبی و تعجیلی دکل، بلکه بر امر ندی و یا اباحی ایسه اثبات اولونسون ! فقط بونی عندیون بیه اثبات ایده من ! عنادیون ایسه بنم آنرله سوزم یوق ! امر جلیل اعداد وجوبی وفوریدر . ایفا و اتساعی تعجیلیدر . زکاة وحج ، صدقه فطر و اضحیه نک شرائط وجوبی میاننده وجوب ایله ممتاز بر شرطدر .

یسی : بر شرط ، که مشروطدن مقدم اتیانی فرض عاجل . ترکی حرام اولدیی کی تأخیری ده ، نقصان براغلمسی ده جائزدکل . امر ، اعدای حال واستقبالی ترهیب ایله مقید اولدیغندن عدم ترهیبده حرام . نمازک وجوبی کمال اهمیتله سویلر وتارکه :

« فسوف یلقون غیاً ! »

تهدید قرآنیسی اوقوریز . نه غریبدر، که امر جلیل اعدادده دوعریسی سوبلیه ! - هیچ اهمیت ویرمیور ، ترک و تأخیرینک دنیوی ، اخروی باعث اولهجنی خذلان و خسارندن اصلاً بحث ایتیمورزا ؟

حریت - یعنی حریت دینییه و ملیه - اللهک بزداک بو یوک بر احسانیدر . دیانت و ملیتک ، حاکمیت و سلطنتک روحی اودر !

حریت دینییه و ملیه منری محافظه ایتک الیزده ایکن کوز کوره دشمنلر - یوزه قایدیریر ، وطن منری کندی اوز الاریزله اعدامزه ویریر ، حر ایکن اسیر ، حاکم ایکن محکوم اولورسهق ، امیر المؤمننه ، خلیفه رسول الله بدل بر صلیب پرست حکمدار نصرانییه « متبوع منخمنز ! » دیه خطاب ایدرسهک یارین محکمه کبراده جناب حقدن التفاتی کوریریز ؟ دنیا ده ذلیل اولان ، تحت بیته کبی اعدای دین و قرآنک ایقلری آلتنده چیکنه بر قوم آخرتده عزیزمی اولور ؟

مدنیت صلیبیه نک زیر پای قهرینه دوشن میلیونلرجه مسلمانلرک حال فلاکت مالارندن عبرت آلمق بزم ایچین دکل ؟ وطن اسلامه قانلی کوزلری دیکن ، جلادینچلری اوز اتان دشمنلری بزم اقصای امالی قرآن حکیمی پارچالایوب چیکنه مکدن ، سریر حاکمیت واستقلالنی تمندن ییقوب محو ایتکدن باشقانه در ؟

« قرآن یروزندن قالدیر بلمینجه فساد عالم ازاله ایدیه من » دیهن اوروا لسان مدنیتی (؟؟؟) انکله نیک غلادستونی دکل ؟

« ان یتفقو کم یکنوا لکم اعداء ویبسطوا الیکم ایدهم والسنتم بالسوء وودوا لوتکفرون . - او اعدای دین سزه غلبه چالارلر ، سزی در زنجیر اسارت و محکومیت ایدرلر سه علمک زده بسلیکلری غیظ مضمرلری در حال اظهار ایدرلر . سزه دست عداوت و اهانتی اوزاتیرلر . سزی تولدیریرلر . سزه سب و دشنام ایدرلر . و بوتون قلب صلیب پرستانلریله کفر وارتنده کزی تمی ایدرلر . سوره جلیله متحمنه . آیه م »

محیط وطنمیزک هر هاندی جهتدن بر آدیم توتیه کچلم ده زوالی دینداشلری بزمک حل پرملال اسارتلری کوردم ! انسانیتک ، اسلامیتک ازلی دشمنی اولان شیطانی بیه آغلاتیر !!

بزم بوراده نه بیایوریز ؟ او بدبختلرک اسلامیت نام مظلومنه ابدیاً محکوم اولدقلری عقوبتلردن ، آشکنجه لردن ، هر دقیقه عرض و ناموس - سلرینک هدر ایدیلندن نه خبریمز وار ؟

بزم : عثمانی مسلمانلری براز قوتلی ، شوکت و سطوتی اولسهق مدنیت تشلیشه او یورکلر آجیسی اخوان دینزه بو خاطره کلز حقارتلری ، بو حوصلهیه ، خیاله صیغماز عذابلری ، عقوبت - لری یایامازلر . بزدن بزم قوتمزدن چکینیرلر ! قیزلری خانه لردن علناً صورت جبری دهده قاپوب تنصر ایتدیره مزلر . بزم سطوت و شوکت مزدن قورقارلر !

بزم بو بول کلیسا و مکتب امتیازلریله باشم زده طاشیمقده اولدیغمز (؟؟؟) غیر مسلم و طنداشلری بزدن اورتودوقسلر روسلرک ، قاولیکلر فرانسه نک ، آوستریانک حمایه لرنده . برینه قضا رایان کوزله باقیلسه پترسبورغدن ، بارسدن ، ویانه دن باب عالییه نوطه لر یاغیدیریلر ! قیامتلر قویاریلر ! بزم او بیچاره ، او مظلوم ، او مقهور دینداشلری بزم نوار پنجه سنده حامیسز ! بزم ایسه ذوق و صفامزه مستغرق !

آنلرک بو داغلر دایانماز فلاکتلرینه قارشى لا قید ! یالکیز اولره

قارشی دکل وطنمزه درت طرفه هجومه حاضر لایمقده اولان مهالك استیلايه قارشی ده ابکم واصم !

جناب حق ؛ بوتون عبادات نقدیه به ترجیحاً عاجلاً اعداد قوت ایدیکز ! کافه استطاعت مالیه و فعلیه کزی قوت اعدادینه حصر ایدرک اعدای حال و استتبابی تریب و تشکیل ایده جک بر درجه کماله ایصال ایتمکه چالیشکز ! « بویوریورده ینه بز متعای ! متصامی !

مجهدين عظام (رحمهم الله تعالى) اعداد قوت فريضة عاجله سنی عبادات مالیه دن هر برینک شرائط وجوبی میانه ادخال ایتمش بز ینه لایبصر ولا نسمع ! حضرت قرآن حکیم اولوالالبابه خطاب ایدر ؛ یوقسه مزار طاشلرینه دکل . .

بز ؛ کندیمزی انسان ایکن و خصوصیه - انسانیتک ، مدایتک روح معناسی اولان - مسلمان ایکن جاد درک سینه تزیل ایدر سهک او خطاب ازلی ده بز دن یوز چویر مزی ؟

بن ، تنویر دلیل مقصدیه فقیدن بر خیلی مسائل ده ایراد ایتدم . معارضلرک نظر نده مجتهد (؟) اولدم ! نسبحان الله ! قرآن حکیمدن بر امر منصوصک اتیانی ، فقیدن مسائل درمیانی بیامم نصل اجتهاد اولیور ؛ دشمن ، بوتون مملکتی استیلایتسین ؛ شو ، الاشو حکم قرآن ایفا اولومسین !

صانکه دین اسلام یالکز اوچ درت امر ونهیدن عبارت ! قرآن حکیمده بولردن باشقا نه امر وار ، نه ده نری !

کیمی قربانه « بیک اوچیوز سنهک عادت مستحسنه اسلامیه . . . » دیر . عملاً واجب اولان بر امر دینی « نحن وجدنا آباءنا علی التضحیه فنحن نضحی کما ضحوا عادة لا عباده » تفسیر ایدر !

کیمی « ارکان دینزدندر . » دیه باغیر دوریر . بر طوفان اعتراض که حق و حقیقت ؛ امواجی اراسنده بوغولیر قالیر .

قربان نه عادتدر ؛ نه ده دینزک ارکاندندر ، امام اعظمک بر قولنه کوره فرض ، قول دیکرینه - که مفتی به اولان ده بودر - واجبدر . امام محمد « سنت » در دیور . امام شافعی بر قولنده « سنت » دیکرنده « مستحب » اولدیننه حکم ایدیور .

بز : خفیلرجه ، واجبدر . شرائط وجوبی اجتماع ایدن هر مؤمن کسر . یا او شرائطی اجتماع ایتمش یعنی احتیاجات اصلیه سندن غیر مستغنی لسان شریعتده فقر ایله موصوف بر مؤمنک کسدیکی قربان مقبول حتمی ؟ اگر مقبول اولسه آلدینی قربانی کسمدن اول اولن بر دیکرینی آلقه یچین محکوم اولیور ؛ غنی ایسه بالعکس نهدن محکوم اولیور ؟ فقیرک تکرار قربان آلقه محکومیتی - واجب اولماش بر شئی کندینه فضولاً ایجاب ایتدیک ایچین - بر جزا دکلی ؟ دکلسه غنی بو حکمدن یچین استننا اولونیور ؟

قربانک حکمت تشریعی نه در ؟ بزده بویه سؤاللرک ایرادی عادتاً دینسرلکه مساوی عد اولور . قرآن ، حکیمدر . هر امر و تهی عینی حکمتدر .

مسلمانلر : احکام اوامر ونواهیده کی حکمتلری بیلسلر حضرت قرآنه درت ال ایله صاریلرلر . علما قیافلی بعض جهل مرکبلر ای بر کویلی یی تارلاسنی صاندیروب حجه کونده ریر . و بویوک بر دین پرورلک یامش کی معرفتی کمال فخر وغرورله ، بیک تحدیث نعمت . بیک تحمید دیانتله سوبلرده . شرائط وجوب شویله طورسون زوالی عموجه نک روح معیشتی اولان چقتی ده بوزار برباد ایدر . هله بری تحطه ایتسین قارا بلالر مبارکی ! « به حریف ! سن » بنی الاسلام علی خمس الخ » حدیثی انکارمی ایدیور سک ؟ بن نهدن خطا ایتش اولهیم ؟ بن مأجورم . « دیه قیامتدر قوباریر ؟ دین ؛ بونلرک اسیری ! شریعت : بونلرک کیفی ! بازیجه سی !

لازم الحجز اسرافات بحثنه کلنجه بوندن حکومت هیچده مسئول دکل . زبرا حکومت حاکم دکل خادمدر . قوانین تنظیم ایدن مجلس مبعوثانددر . حکومت او قوانینک واسطه اجراییه سی اولمقن باشقه برشی دکلددر .

ملئک محکمه کبرای حاکمیتی اولان مجلس شوری ایشه مسئولیت مادیه ومعنویه قسم اعظمی انک دوشنده در . معافیله ملتده بوندن حصه منددر . مثلاً بودجه توزین و تنظیم اولونیور معاشلره ضمیم اجرا قیانونر . فقط اصحابنه زورله ویریلیوریا !

اصحاب معاش بو ضایمی « ایسته میوریز . سز صوک درجه تصرفه ، اقتصاده رعایت ایدیکز . اولاقوای بریه و بحریه تخصیصاتلری بحق تفریق واعطا ایدیکز ! وطنک اسباب سلامتی عاجلاً احضاره چالیشکز ! عبدالحمیدک بزه - قان قرصدیرارق ، چانمزدن او صاندیره رق ، دینلدیره رک - درت آیده بر ویردیک مملکتی شمدی هر آی نهایتنده منتظماً آلق نعمتی بزه کافی ! بزه استقراض ایله ویرنه جک ضم لازم دکل ! « دیه رد ایتش اولایدی اوروبایه قارشی تام اسلامیتله متناسب برعلو استغنا کوستربایر و خانه وطنک تعمیر و احیاسنه نه تدر حرارتلی برعزم ایله قرار ویرلش اولدینی اثبات اولونیردی . هیات ! معاشلر . شان مشروطیتله متناسب اولملی ایتش ! ؟ صانکه مشروطیت ، خزینه الهیه یی الله ایش آلتون کوش صاچیور !!!

گویا اصحاب معاش بوملک افرادندن ، بو وطنک اولادندن دکلسده قونطور آله اوروپادن جلب اولومش !

احتمال (؟) که بو سوزلریمدن دولای تنقید اولونیرم . فقط افسوس که اک دوغری سوزلردن بری !

بن ده او معاش اصحابندن برییم . لکن آلدیم باره دن وجداناً ایماناً انصافاً هیچده ممنون دکلم . بز - بوضایمی بودجه ، من هیچ اولمازسه استقراضله قایانق مصیبتندن قور تولدقندن . اوتوز بش . قرق ملیون لیرالق بر فیض تزیل کوستردیکدن صوکر آلق مبل کوسترسه ایدیک ! خصوصیه اسلامیت نقطه نظرندن دوشونیرسهک اربیک اوچیوز سنه اول بیت المالدن معاش ایسته مک شویله دورسون دین و وطن اوغرنده ماللریله برابر جانلری کوله کوله فدا ایدن حقیقی مسلمانلره قارشی یوزیمز قیازمق لازم کایر ! اسلامیت یالکز اغنده ! سوزده !

بو وطن ، یالکز اسلامیتك ضررینه پارچالامقده ، هرپارچه
کشور جسمامنده اوله رق حاکمیت قرأندن چکیلوب آلمقده . دونه قدر
عثمانی سنجاغی آلتنده یاشامش اولان قوجه طونه ولایتی بوکون
بولنارستان قراللی نامیله صلیک تحت حاکمیتده !
ایشته طرابلس غرب آتش طوفانلری ایچنده یانیور . قان دریالرنده
بوغولیور !
یارین بانقان حکومات صغیره سی ، بلکه روسلر ایکی طرفلی هجوم
ایدلر .

بزم وظیفه لر مزده سی ؟ هله دشمن قلیجی تپه مزده پاریلداسین ! بر
کون بکلک بکلک !
ابدی فلاکتی اوج کونلک سعادتیه ترجیح ایدن بیلیم نه قدر
عاقدر ؟ !

ظاهرده باقوب بزلری صاممه عقلایز !
بز برسورو عاقل صفتنده بدلایز
عاقل دینیلومی بزه کیم حالی بیلیرکن
دلدادۀ آلاش نیر نك هوایز .

غیر مسلم وطنداشلریمز ملی ، اجتماعی ، اقتصادی سیاسی بر سعادت
حیات ایچنده چایشیورلر . بز ایسه کیمیز قرون اولویه آرقه سنی
دایامش استقباله بر خطوه آتقی ایسته میز . کیمیز دینی مانع ترقی عد
ابدرك شرقك فرانسیز اولاق ایستر ! دین ، شریعت ماضیه عائد
- حاشا ! - خرافات واساطیر **تورم ایتیش** عبارت اعتقاد فرنکانه سنده . نهایت سایه
اسلامیتده جرانگیر اواش **اوشا اولاق شوکتلی** ، اوعظملی عثمانلیق تورم ایتیش
فراس موته اوزانمش ، بزده قدید سینه سی اوزرنده تپنیور ،
بوغاز بونازه ، غیرلاق غیرتلاشه کش بر آن اول موتی تعجیله
چایشیوریز !

نفاق و شقاقه شاق ! معروفدن نهیه ، منگری امره منتون !
المریمز مقبرض ! وجدانلریمز محموم ، روحلریمز سکران !
« نسوالله فنیسهم ! »

برات خسرایمز ،
« واذا اراد الله بقوم سوء فلا مردله ! »

فرمان خذلانمز !

جناب حق ، بزه جبل الله المتینه درت ال ایله صاریله رق اتحادی .
اعدای دین و وطنه قارشلی انلری ترهیب و تشکیل ایده جک قوت و سطوتك
عاجلاً اعداد و احتیاری امر ایدر ، مرت اضمحلالمز قانلی نیچه لری
اوزاتمش طرناقلرینی وطنه لک جکرلرینه طاقش پارچالامقده . بزخانقمزه
- حاشا - تلیم حکمت و شریعتیه جرأت ایده رک مناسز تدبیرلر ایجاد
ایدیوریز :

« سفاهت و اسرافى منع ایده لم ، توتونمزى براقلم دونمایه ویره لم ! »

دیوریز !

اسرافاتی ، سفاهتلی کیم منع ایده جک ؟ هانکی قوت هانکی

قانون ! هرکس حر ، مطلق العنان حیوانیتك آزاد قبول ایتمز کوله سی ،
اسیری فرمان بری دکلی ؟

حر اودر ، که نفسنه - محکوم دکل - حاکم اولور .
معنی علوی انسانیتی علم اولور .

حر میدر او نفسی معبود ایتمش طایمه ده

کندی وجدانی بیله افعالنه لائم اولور

ای سنی اعدا که تسلیم ایله یں حیوانلغك

زده قالدی جوهر عقلت سنك انسانلغك

— محرره —

بزده دونمائمزک احیا ، سطوت و شوکتیمزک اعلاسی ایچین توتون
وامثالی مکيفات حیوانیه مزى ترك واثمانی فدا ایده جک قدر حب دین ،
حب وطن ، حب استقلال ، حب سعادت اولسه اللهك امر بو یوردینی
وجهله اغنیامز استطاعت مالیه لری دفعه میدان حمیه بیغار . اللهك تك
برکوننده کونشك ضیاسی قوجه بر آلتون داغنی یالذیزله رق تحیل ایدردی .
خلاصه : هر مؤمن کندی معیشتنده حالنه کوره بر معنای استطاعت بولغه .
دینه نصرت ، وطنك سلامتیه عرض حمیت و معاونت ایدر ، اعدای دین
و وطنی لرزه لر ، هر اسلره دوشور یردی ! کرید ، اوسینه وطنك تنفس
کاهی قورتولیر ، طرابلس غربده شو هائل فلاکت استیلایه دوچار
اولمازدی ! یوز یکر می میلیون لیرالق مزمن ، غیر قابل تسویه بر دینه
مستغرق اولان خزینیه درت سنه ده اوتوز میلیون لیرالق استقراض
یوکتته رک بورجی (۱۵۰) میلیون آلتونه ابلاغ ایتدک . خزینیه بوداغلر
اریتن ثقلت دیون آلتنده نفس آلهمازکن بر اوندن - ضم معاشدن ،
توسیع سفاهتدن باشقا !! - نه بکله یه بیلیرز ؟ الله جل شانہ سریعاً و عاجلاً
اعداد قوتی فرمان بو یوریور ؟ بو مقدس امری ایفا ایده جک بز مؤمنلر
دکسه ک ملکلمیدر ؟

تعزیت سکا ای مظلوم اسلامیت !

تسلیت سکا ای ازلی دیانت !

تهلکده بولونان وطنك ، حیات دیتك ، استقلال خلافت و اسلامیتك
سلامتیه چاغیران امر جلیل اعداد عاجلاً و تماماً ایفا اولونمقده نه حج
وزکاة ، نه ده صدقه فطر و قربانك قطعاً جائز اولمیدنی بن دکل ، قرآن
حکیم سوبیلور !

الای مفتیسی

محمد فخر الدین

قیش

باد شیژه جوی منند قوشوب قوشوب ،

کلمکده بر هجوم تحمل شکاف ایله .

لرزنده جاملری دوکیور آن آن جر شوب ،

آتشی تازیانه حشم اتصاف ایله .